



Universitätsbibliothek Paderborn

Instructio Practica ...

De Conversatione Apostolica A Curatoribus Animarum piè & fructosè
instituenda - Complectens vatos & solidos modos juvandi & consolandi
diversorum Statuum Personas afflictas, præcipuè ægras & captivas

Lohner, Tobias

Dilingae, 1677

§. 1. Quanti momenti sit ministerium adiuvandi ægros & meribundos.

[urn:nbn:de:hbz:466:1-48248](#)

ta videbuntur, feligam, atque in breve compendium reddam
hoc capite offeram. Quæ quidem omnia iterum ad quinque
ferè capita reduci possunt, videlicet 1. Ut ægros solidè conso-
letur. 2. Ut eosdem fructuosè occupet. 3. Ut eos ritè ad mor-
tem disponat: 4. Ut illos contra tentationes efficaciter muni-
at. 5. Ut illos in ultima lucta discretè animet, atque confor-
met.

§. I.

Quanti momenti sit ministerium adjuvandi
ægros & moribundos.

I. **M**ulta quidem à variis motiva afferuntur ad ministerium
hujus gravitatem ostendendam, sed quæ ad tria ferè
nempe ad summam necessitatem, summam utilitatem, &
summam denique jucunditatem, revocari possunt; hæc inia
námque si Operarius sæpe ac serio ponderaverit, dubitatio non
debet, quin ignis ardentissimi ad ægros ac moribundos adju-
vandos desiderij in hac meditatione sit exarsurus. Quare ope-
ræ pretium videtur, ut singula ex tribus hisce motivis breviter
demonstrentur.

II. Et in primis quidem summa hujus Ministerij necessi-
tas ex quatuor argumentis colligitur. 1. Quia à bona morte
tota moribundi salus, & ipsa beatitudo dependet; nam, ut Salo-
mon Eccl. 11. ait: *Si ceciderit lignum ad Austrum, aut ad Ar-
quilonem, in quounque loco ceciderit, ibi erit.* Si benè finient
vitam, in Austro erit æternæ beatitudinis: si malè, in Aquilo-
ne æternæ miseriæ. Unde meritò Justus Lipsius, teste Ditle-
lio in ætern. Sanctissimam Cœli Reginam in morte sic allo-
cutus fertur: *O Mater DEI, adesto Famulo tuo cum aeterni-
luctanti. & ne deferas me in hac hora, à qua aeterna salus animi
mea dependet.* 2. Quia malæ mortis detrimentum irreparabili-
le est: cùm enim semel duntaxat quemvis mori contingat
necessariò sequitur, errorem, qui hic admittitur, nullo inge-
nio corrigi posse. Si ergo Lamachus non ignobilis apud Li-
cedæmones Centurio sapienter admonuit, summam in mili-
tia vigilantiam requiri, non enim perinde errari in bello, at-
que aliis in rebus, eò quod error ibidem sit irreparabilis, non
item in istis; quantò magis similis vigilantia & sollicitudo in
hoc extremo prælio, in quo de cujusque præstantis salute agi-
tur, ad-

tur, adhibenda erit. 3. Quia nunquam homo tantopere indiget auxilio, atque in isto transitu; tunc enim conflictus est terribilior, vires debiliores, impedimenta graviora, & rerum occurrentium multitudo major, quam unquam fuerit; unde mentio, sicut Dœmon videns tunc breve tempus supereesse, & vel obtinendam, vel amittendam victoriam, auget furiosam ac rabidam suam diligentiam, ita Operarius quoque spiritualibus armis munitus accedere, omnemque in protegendo ac confortando moribundo industria m adhibere debet.

III. Jam verò sumam quoq; n hoc ministerio utilitatem reperiri, vel ex eo satis patet, quod nec ipsi ægro major felicitas obvenire, quam æterna beatitudo, ad quam procurandum hoc ministerium unicè dirigitur, obvenire; nec ipse Operarius ad eandem felicitatem olim obtinendam certius, efficaciusque medium adhibere posse videatur. O quam lætas (inquit Philippus Servius Operarium alloquens p. 1. §. 1.) quam jucundas depromet voces animi memoris indices, quisquis operâ tuâ & industriâ viderit se è periculis mundi hujus fluctibus eductum in tutissimo salutis portu conquiescere! Crede mihi, pro referenda gratia DEUM precibus sollicitare non desinet, usque dum in cœlo gaudij tanti socium habuerit, cuius obtinendi tam bonum in terris nactus est Adjutorem. Quod si beati (ut loquar cum Scriptura) fraudari nequeunt à desiderio suo, intelligis, opinor, Operarie, quam utiliter operam locas, atque adeo, cùm moribundos adjuvas, te non magis illorum saluti, quam tuæ velificari; nam si Apostolo Philippensibus, quos ad pietatem erudierat, dicere libuit: Gaudium & corona mea omnes vos estis; quomodo non erunt gaudium & corona tua, quos ad gaudium, coronásque cœlestes quasi manu duxeris?

IV. Quod verò summa etiam in hoc ministerio jucunditas inveniatur, iterum tum moribundi ipsi, tum Operarij fideliter illis assistentes propriâ suâ experientiâ edocti testabuntur. Quæ enim major ægro lætitia obtingere potest, quam si in casu omniū terribilium terribilissimo, ut ait Aristoteles, amicum fidelem habeat, qui, teste Siracide c. 6. est protectio fortis, medicamentum vitæ & immortalitatis, cuius consilis anima perinde dulcoratur, quemadmodum unguento & variis odoribus delectatur cor; certè nihil æquè ægrum reficit, te-

ste Sc-

ste Seneca ep. 79. quām amicorum affectus. Quod si vero
am nullum in orbe majus est gaudium, quām bona & secundum
conscientiæ lætitia, hoc maximè tempore, quando propediens
venturus creditur Judex Jerusalem in lucernis scrutaturus, &
singulorum conscientias examinatus, an non iterum jucun-
dissimum dicemus moribundos juvandi ministerium, cuius
primaria cura, labórumque eò potissimum tendit, ut bonam mo-
ribundus conscientiam possideat, & cum illa spem certam æ-
ternæ felicitatis concipiat? Nec minor sanè ipsi quoque Opti-
ratio jucunditas ex hoc ministerio oriatur; quid enim jucun-
diū accidere potest Apostolico alienæ salutis zelatori, quam
animam, pro qua, teste S. Chrysostomo hom. 48. in ps. unige-
nitus DEI Filius non mundum dedit, non hominem, non ter-
ram, non mare, sed pretiosum sanguinem, eripere Diabolo, &
DEO lucrari? custodire à flammis perpetuis, & æternorum
gaudiorum facere participem? quam lætitiam in morte sen-
tiet, qui meminerit, se tam copiosum tot moribundis solatum
creasse, atque adeò eadem sibi mensurā à DEO consolationem
mensuratum iri? quām incredibilem denique voluptatem post
mortem percipiet, si tot animas in cœlo videat inexplicabili
gloriā fruentes, sibi que eam gratissimo animo adscribentes?

Expertus sanè hanc voluptatem est Religiosus ille, qui, cum
confessiones pauperum libenter exceperet, cœloque submi-
sisset, ab iisdem obviam sibi venientibus post mortem, è pur-
gatorio liberatus, magnaque gratulatione ac pompa in ce-
lum est deductus, ut Joannes Major in spec. Exempl. V. Com-
fessio ex 18. refert.

V. Ex quibus omnibus facile nunc liquet, quām magna
de hoc ministerio æstimatio sit concipienda, quāmque adeò
gravis censenda sit negligentia eorum Operariorum, qui hoc
in negotio socordes & languidi fuerint deprehensi, maximè si
per socordiam hanc fieret, ut is, quem adire in morbo extremo,
neglexissent, sempiternis ignibus addiceretur, quē tamen illi
duobus fortè verbis cælo asserere potuissent; DEUS bone, aut
iterū Servius, quo animo in te fururū putas? quas non flamas,
quas non furoris faces in caput tuum ejaculatus est? Sed nec
ipse DEUS impunitam tales socordiam sinet; id quod Pater
quidam è nostra Societate expertus est, ut idem Servius in ami-
co fideli p. 1. §. 3. refert, qui post mortem se cuidam alteri
Pati

Patri ex condito spectandum dedit, asseruitque, se propter ea, quod tardior, negligentiorque in invisendis, juvandisque moribundis fuisset, tempore sat longo à conspectu divino exclusum, jussum fuisse ubi vis gentium ac locorum animam a gentibus praesto esse, eosque in morem Angeli Tutelaris, qua precibus, qua monitionibus internis, salutaribusque inspirationibus adjuvare. Addidit quoque, non se solum, sed alios quoque bene multos diversorum Ordinum Sacerdotes ob consimilem negligentiam simili poena castigari.

§. II.

Quibus dotibus praeditum oporteat esse Operarium, qui ægris & moribundis fructuosè assistere cupit.

Uti ad Sacerdotem in genere, ita vel maximè etiam ad eum, qui cum ægris & moribundis fructuosè agere cupit, gemina dos, virtus scilicet & scientia requiritur; per hasenū si corpus & animam ægri lucratus fuerit, cum gaudio quondam dicere poterit ad Christum: Domine, duo talenta tradidisti mihi, ecce alia duo superlucratus sum.

II. Porro in specie agendo de singulis, virtutes quidem sequentes requiruntur in eo, qui praedictis personis professe cupit. 1. Est orationis studium, per quam tum sibi necessariam ad negotium tanti momenti gratiam à DEO frequenter petat; tum ipsos etiam, cum quibus acturus est, ægros peculiari affectu DEO in Missæ præsertim Sacrificio commendet. 2. Est Zelus Animarum, qui si unquam, hoc tempore, necessarius est; absque hoc enim languide obibit hoc munus, & hoc ipso minus ab ægris amabitur, atque adeò minorem quoque in eorum animabus fructum faciet. 3. Est Patientia & fortitudo, quā tum omnes difficultates, quæ plurimæ in hoc munere occurunt, generosè contemnat; tum molestias ex ipso morbo aut ægri vitijs subinde exoriri solitas, religiosè, alacriterque sustineat; in hac enim patientia possidebit animas curæ suæ commissas. 4. Est mansuetudo; cùm enim ægri plerumque amaritudinibus undequaque sint circumdati, æquum est, ut Sacerdos desideratum dulcium verborum saccatum & mel pro temperanda hac acerbitate offerat. 5. Discre-

tio,